

Na osnovu člana 12. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 3.stav 3. Zakona o veterinarstvu ("Službene novine Federacije BiH", broj 46/00), člana 70. stav 2. Zakona o veterinarstvu u BiH ("Službeni glasnik BiH", broj 34/02), čl. 6. i 7. Programa obuke službenih veterinarara na području Federacije Bosne i Hercegovine za period 2017-2020. godina ("Službene novine Federacije BiH", broj 7/17) i Programa utroška sredstava sa kriterijima raspodjele "Subvencije privatnim preduzećima i preduzetnicima-poticaaj za veterinarstvo" ("Službene novine Federacije BiH", broj 35/18) Federalno ministarstvo poljoprivrede, vodoprivrede i šumarstva d o n o s i

PLAN OBUKE SLUŽBENIH VETERINARA U FEDERACIJI BOSNE I HERCEGOVINE ZA 2018. GODINU

I

Cilj Plana obuke službenih veterinarara u Federaciji Bosne i Hercegovine za 2018.godinu (u daljem tekstu: Plan) je da se kontinuiranom edukacijom obezbjedi nepristrasno i kvalitetno provođenje i dosljednost službenih kontrola na svim nivoima kao i unaprijeđenje rada službenih veterinarara i veterinarara koji provode mjere zdravstvene zaštite životinja u Federaciji Bosne i Hercegovine iz područja:

- a) propisa o hrani i hrani za životinje, lijekovima za upotrebu u veterinarstvu, zdravlju i dobrobiti životinja, rukovanju nusproizvodima životinjskog porijekla;
- b) primjene metoda i tehnika koje se primjenjuju za vrijeme službene kontrole,
- c) odobravanja i registracije objekata u nadležnosti veterinarstva.

II

Obuke će se održati kao:

1. jednodnevni seminari (stručna predavanja) za sve službene i ovlaštene veterinare i
2. jednodnevne obuke za ciljane grupe službenih i ovlaštenih veterinarara

III

Za stručna predavanja iz tačke II ovog Plana obuke Federalno ministarstvo poljoprivrede, vodoprivrede i šumarstva će odabrati mjesta i termine, te predavače i teme iz slijedećih oblasti:

- sprječavanja opasnosti za zdravlje ljudi od uzroka koji se prenose hranom i sa životinja;
- primjene propisa iz oblasti sigurnosti hrane životinjskog porijekla i hrane za životinje;

- primjene propisa iz oblasti zdravstvene zaštite i dobrobiti životinja i prometa i upotrebe lijekova koji se upotrebljavaju u veterinarstvu;
- zbrinjavanja i rukovanja nusproizvodima životinjskog porijekla;
- izdavanja dokumenata koji imaju značaj javne isprave, vođenja evidencija, dostavljanja izvještaja i drugo;
- službenih kontrola na farmama;
- službenih kontrola kod subjekata u poslovanju sa hranom, hranom za životinje i nusproizvodima životinjskog porijekla;
- upoznavanja sa novim propisima, propisima u pripremi i elektronskim programima za vođenje evidencija i baza podataka za potrebe službenih veterinara.

IV

Nakon održanih obuka učesnici popunjavaju evaluacijski upitnik na osnovu kojeg će Federalno ministarstvo poljoprivrede, vodoprivrede i šumarstva procijeniti potrebe za obukom službenih veterinara i izdati certifikat o prisustvu na obuci.

V

Realizacija ovog Plana obuke finansirati će se sredstvima predviđenim Programom utroška sredstava sa kriterijima raspodjele "Subvencije privatnim preduzećima i preduzetnicima-poticaaj za veterinarstvo" utvrđenih Budžetom Federacije Bosne i Hercegovine za 2018. godinu ("Službene novine Federacije BiH", broj 35/18).

VI

Radi informisanja službenih veterinara ovaj Plan obuke će se objaviti na web stranici Federalnog ministarstva poljoprivrede, vodoprivrede i šumarstva.



MINISTAR
 mr. sci. Semsudin Dedić

Broj: 06-24/18- **1215** /18 I.M.
 Sarajevo, 05. 06. 2018.godine